

Un altro Venerdì Santo

(dopo il disastro aereo sulle Alpi francesi)

Riferimento :

Credo Apostolico : “Morì e fu sepolto, discese agli inferi ”

O Signor, anca questa la doeva capità
De quel foeura de testa, quel por disgrazià
Ch’el s’è tirà ‘dré ‘n la sua follia
Tanta pora gent : ‘na strage, ‘na moria !
In quella val inscì bela coi so montagn
Pien de nev e i so bei campagn,
Diventà a l’improvis on cimiteri
Tut a toc, tut a brandei, nanca vun interi !
O Signor : ma ‘n doa te guardavet in chel moment ?
Te podevet no risparmiamel ‘sto lut, sto gran torment ?

“O car fioeu, l’è propi quel che me diseven anca a Mi
Quand su la crus s’eri ‘dré a morì :
- Ti che te set brao a salvà i alter: salves anca Ti ! -
Ma come avria podu tirav foeura, o cara gent,
Dal vostr’ inferno in doa s’i cascì dent
Se fin giò là fussi no rivàa
Coi me piagh a div che si perdonà ?
Ste pur sicur : quand che la pora gent s’in impastà
Mi s’eri là coi brasc avert : seri là a spetà !
Sì : fin in fond de quel’inferno som propi ‘ndà
E ho trà giò la porta per menav a Cà.
Poeu, quand som risort e ‘ndà su ‘n Ciel
Quel’alter uss col coeur ve l’ho dervi
Perché podessov tucc in Paradis restà con Mi
E vedari, cara gent, vedari come l’è bel.”

O Signor, perdonom s’ho dubità de Ti
In d’el To bel Paradis tegnom on post anca per mi !

Amen.

Don Arnaldo